

# KHENPI C

## NUNGZUI HIHNA A THUKNA TELCIANNA

- |   |     |
|---|-----|
| 1. Singlamteh Telcianna:<br>(Khen -I-). Singlamteh Vangliatna .....   | 76  |
| 2. Singlamteh Telcianna:<br>(Khen -II-). Singlamteh Thuthuk .....     | 80  |
| 3. Singlamteh Telcianna :<br>(Khen -III-). Singlamteh Manphatna ..... | 83  |
| 4. Itna i cih banghiam? .....   | 87  |
| 5. Lungsim kitapzanna leh sila lungsim neihna .....                   | 92  |
| 6. Sittel nate, Ze-etnate leh Khazih ading thuakna .....              | 97  |
| 7. Sianthona leh Pasion meikuang tawh sukkhakna .....                 | 103 |

# 1. Singlamteh Telcianna (Khen I ) Singlamteh Vangliatna

a). Laisiangtho bulphuhte 1Cor. 1:17-18; Phil. 2:5-11; Gal. 6:14;  
Phil. 3:20-21; Isa. 52:13-53:12

## b). Thupatna

Khazih singlamteh pen Christian upna lungtengah om hi. Hih lo in eite in upna nei lo in, hih thumaan lo tawh i Christian hihna pen nuntakna thu ngaihsutna bek, kammalte leh ngaihsutnate bek suak hi. Zeisu pen Pasion thu tawh kisai ngaihsutna thak khat hong pia ding a hong pai bek hilo in, eite ading si dinga hong pai hizaw hi (Mark 8:31). Singlamteh thu ngaihsutna pen ama nung zuite pattahna ah Zeisu tawh a kisai nakleh kicing zo lo hi. Kumpi gam nuntakna ding kipum piakna a kisa pua uanggen/thupisakna dingin Zeisu in singlamteh thumaan taktak hong zang hi. Amah in a ma sungah 'singlamteh puakna' in bang gen nuam cih thei khin a, a nungzuite zong a mau singlamteh a puak ding uh leh a ma nung a zuih dinguh deih hi.

## c). Sihna a thuak hakna

Singlamteh ading bek in a haksatna leh a lauhuai nate thupi koihna ah bangmah gualzawhna om lo hi. Ahizong in eite in i thupi koih nop leh Khazih thuakna taktak bang tan hiam khat ah i tum ding kisam a, a ma sa in singlamteh tungtawn a eite hong gupna dingin Pasion ading bang deihna om hiam cihleh, anihna ah Zeisu sihna ah eite khat ciat sungah Pasion in bangteng hong cingsak zo hiam cih ahi hi. Singlamteh pen i deih bangin zangin sawtpi sung nungta khin zo hihang. Eite in a lauhuaina teng hahsiang khin in tua bang tawh a vangliatna zong sutkhia khin zo hihang. Khazih biakpiakna a thupina i theih ding Khasiangtho in hong deihna tua pen Khasiangtho nasepna in i nuntakna leh i nasepna laigil ahih ding a kikap man ahi hi.

Pasion it a tapa thuakna ah a kihel zumna leh thuakkhaknate Laisiangtho ah a vekin bangmah kiseel lo hi. Amah si hi cih pen a thupi hilo a, koi ci sih cih in eite ading a lianpen deihna tuam nei hi. Thuciam lui sung a Khazih sihna tawh kisai gen kholhna ah ama thuaknate a neng a tawng in lim gen mahmah hi (Isa. 50:6; Psa. 22:12-18). Pawlpi sungah eite in Zeisu pen eite zah in kikhamsuk in, eite in kha thu, lungsim lam leh Pasion thu lam ah i zeek zawh ding zah cia in hong kineu sek hi. Singlamteh lauhuaina a thukna ngaihsun thei hi leng i mawhna zah in a zai thei thei in, i lungsim leh ngaihsutna bat zawh tawng penpan i ngaihsut kik ding ahi hi. Tua ni a Calvary a thupiang pen thu hoih hilo hi. Zawmah galkapte satna ah hehpihna om lo Zawmahte singlamteh in leitung bup ah a kiciamteh ahi hi. Tuapen, lauhuai leh zumhuai mahmah a sihna hi. Calvary ii a thukna i muh theih ding kisam hi. Ama itna nasep pan a hong luangkha na khempeuh i muh theih ding kisam hi. Tua ban ah eite zong Pasion ading i nuntak ding leh tua bang dan mah a eile-ei i kalsuan ding kisam hi.

## d) Singlamteh Vangliatna

Zeisu in a ngeina, a piang ngei bang a kikhailum hilo hi. Pontius Pilate mai ah bawlsiatna,

satna leh melhemsakna tawh zahpih ciamnuih bawl in a kisim mawh nading in zong mipite tungah kipia hi. A khamul kibawh khiat sak in kumpi hi ing a cihna zahpih na in ling tawh kibawl kumpi lukhu kikhususak hi. Gethesemane huan sungah zong tua hai pen ama ading hi in kuama dangin a dawn theih loh hai cih a lauhuai thuman thutak zong phu kha hi. A thuak haksatna khauhpaia lua ahihman in a lutang pan sisan tak ngelngelh hi. Singlamteh tunga Zeisu kiangah galkapte hong pai ciangin amah na sikhin ahihman in ama khete kuaitan lo uh hi. Tua sangin a pangpi a dawt uh leh sisan leh tui hong phulkhia hi. Hih pen Zeisu a lungtang kitam in si hi cih hong lak hi. A lungtang kitam ahihman in a sisan khal khin zo hi. Sisan leh sigel kikhen khin a, a kidawt tak teh a pang pan in hong luangkha hi.

Khalam a a thuaknate tawh gen masa thei lo hihang. Pasion Tapa pen a Pa in a taisanna thu pen tel thei ngeilo ding i hihman in hih thute pen eite adingin kisel cip hi. A muk pan hong puakkham a otna kammal in Psa. 22:1 a, 'Ka Pasion, Ka Pasion aw bang dingin hong taisan na hiam?' cih pen hong za kikkik sak a, tua ah ei tel zawh ngeiloh ding thuakna lian kihel hi. Ahizong in hihte khat peuh pen a ma thu a hong piang tawm ahih lohna i muh thei ding kisam hi.

Mite in amah a mat uh hangin tua ni a thupiang lai dingte ah kihel lo uh hi. Hih pen a lamdang Calvary thuman thutak hi. Pa in mi khem peuhthe kha ading a Tapa piakhia hi. Hih in i khialhna a mial bikbek leh a zin gawpna hong kitel sakzaw lai ahihna bek tawh eite in hih thuman i phawk kik thei hi (Acts 2:23). Adang thuthuk khat in gen leng Pasion in Zeisu tungah i khialhnate suan in ama thuaknate tungtawn in eite hong suaktasak hi (Isa. 53:4-5). Singlamteh vangliatna pen Zeisu in a sin khak a thuakna khat ciat pen i kisapna khat ciat ah cihnopna lian tuam tek nei hi cih thu ah kinga hi. Mihing a puk a kipan in Satan in ama netniamna nuai ah mite koih hi. Mite pen mawhna, natna, lungkiatna leh lunggimna kol tawh kihen in, tua pen mihingte tuah khak thupi suak hi. Mihing pen Pasion thu a man lohna hangin haksatna a thuak leh gimna khempeuh vanzat suak hi. Singlamteh tungah kha thu leh lungsim lam koltanna, leh mihing thuman loh man a, mihing tung a, Satan hong suat lunggimna khempeuh Cavary vangliatna ah hong kipholak kik hi.

#### e). Mihing gimna gukte

Piancilna a lian thumna ah, Mawhna ii guphatna sung tawng hong kipia hi. Pasion thu a man lohna tungtawn in mihing a puk khit teh hih thuman lohna hanga thuak ding daan dahhuai hong kitheisak hi. Mihing pen Pasion tawh suakta tak a kikholkhop theihna leh leitung a na khempeuh uk nading thuneihna pan tu in saltang ta hi. Ama tungah Satan in uk ta a, tua hun a kipan mawhna pan hong piang natna leh haksatnate khempeuh tungah mikhempeuh kipia khin ta hi. Hih lai ah a lauhuai gimna nam gukte tungah mihing kipia ta a, mihing gui in a thuak khak tawntung ahi pumpi, lungsim leh kha natna leh thuak na khempeuh naakpi pen tua hun a kipan hong kipan hi.

##### (i). Khialhna leh mawhpaihna

Pasal leh numeite a nih tuak in Pasion in a tawm teh hih khialhna pan pelh ding hanciam uh in khat le khat kingawh uh hi. A tawpna ah gulpi teek bek in tua ngawhna sang nuam hi. Hih pen mihingte cinlohna hi tawntung hi. Hih pen mi leh mi kikal, mihing leh Pasion kikal a kikhensak thu ahi hi. I khialhna i phawk theih masiah kilem kikna om thei lo hi. Ahizong in Pasion mai a i khialhna pen ei

le ei in kilemna i bawl theih ngei hilo hi. Zeisu pen i khialhna a pua pa hong suak hi. Amah in singkhuam tung (Singlamteh). ah eite mawhnate pua hi.

(ii). **Dawimangpa Netcipna**

Mihing a pukma in Satan ukna nuai ah kipia ngei lo hi. Tu in bel mihing Pasion thawhkikhen in Satan hehpihna nuai ah om ta hi. A hizong in hih Satan zawh loh vang liatna pen singlamteh in beisak hi (Col. 2:13-15)

(iii). **Natna leh Thuakna**

Natna leh haksat thuaknate pen mihingte ading Pasion deihna hi cih peuhmah Laisiangtho sung koimah ah sim kha lo hihang. Hihte pen mawhna meizom hi a, thuman lohna hanga hong paikhia Satan nasepna ah naak nei uh hi. I nuntakna ah Pasion in ama hehpihna lahna dingin natna leh haksat thuaknate Pasion in zang thei lo hi a ci hilo hanga, zang thei lua hi. Ahizong in hih pen a ma tate adinga Pasion zatna hoih pen hilo kici thei lo hi. A kicing Pasion gam sungah hih gamdang nate pen kipaikhia ding hi. "Ama liammate hangin damna na ngah zo hi." (1Pet. 2:24)

(iv). **Lungkhamna leh lungkih mawhna**

Mihing pen nasep hahkat tak a nungta dingin thu kikhen hi (Gen. 3:17-19). Pasion ukna huan sungah tengin, nuntakna ding leh cidamna ding a kizam na khempeuh in a umcihna pan, tu in haksatna leh hahkatna ah thu kikhen hi. Zeisu ading kibawl kumpi lukhu pen ling tawh kibawl hi a, eite ading amah in khu hi. Mihing in leitungah Pasion lo tawh vaihawm ding a hahkatna ah a ngah khak gimthuakna tungtang lungkhamnate Zeisu in a mah leh amah kisan hi. Banghang hiam cihleh, upna vangliatna tawh i kalsuan theih nading in, amah in eite ading hih thu hong sep sak hi (Matt. 6:33-34).

(v). **Sihna**

Mawhna hang in mihing pen ama nuntakna naak pan kikhenkhia hi. Sihna pen i mawhna thaman hi a, mikhempeuh ngah ding ahi hi (Rom. 5:12). Ahizong in mihing pen khatvei sih ding sehsak sa hi a, tua khit teh Pasion thukhenna thuak ding cih ahih mah bangun, Pumpi sihna pen a tawpna hilo hi (Heb. 9:27-28). Ahizong in Zeisu sihna tungtawn in sihna thukhen na kila-khia khin hi. Eite adinga thukhenna hong puaksak hi (Heb. 2:14-15)

(vi). **Nialna leh Pasion kiang pan kikhen na**

Mihing pen huan sungpan kihawlkhia in, tua a kipan kha lam ah a kihawlkhia suak hi. Mihing pen a lungtengah a kinolh, a kinial hi a, ama mawhna in amah leh Pasion kikal kikhenna piangsak hi. Singlamteh tung a kikona pen nusiatna hanga kikona hi a, "Ka Pasion, Ka Pasion aw bang ding a hong taisan na hiam?" cih hi. Nang leh kei ading in Zeisu kinusia hi. Amah leh amah in eite mawhna a lak man in tua bang lo thupiang dang ding om lo hi. A pa omna huang pualam ah amah leh amah kikoih hi.

f) **Amah tawh pumkhat hihna**

Singlamteh vangliatna pen Zeisu mahmah in hih nate khempeuh singlamteh tungah pua in a vangliatnate a suksiatsakna thu ah kinga hi. Mihing a lauthawngsak den thusia khempeuh tungah aman gualzo a, mihingte siatna ah a tun ding hih thahatna khempeuh

a uk Satan vangliatna susia hi.

Singlamteh tunga Zeisu nasep lamdang sa a om ding bek kicing lo a, eite sungah tua nasepna in na hong sep ding kisam hi. Eite nuntakna ah hih thu i san ding kisam hi. Zeisu in amah leh amah eite adinga a kipiakna pen Khasiangtho vangliatna sungah ahi hi (Heb. 9:14). Calvary a gualzawhna taktak ah i tum theih nading in mawhna, lunggimna leh sihna vangliatnate a gualzo tua nasep mah a sem ding in Khasiangtho i phat ding ahi hi.

**g) Dotna leh kikup khopna te**

1. A dang biaknate, ngaihsutna leh leitung pilnate pan bang in Christian biakna lamdangsak hiam? kamkum in.
2. Banghang in Zeisu in eite ading singlamteh tung a sih kul hiam?
3. Banghang hi banga, a se-huai, simmawhna, leh sihnate a thuak ding kisam ahi hiam?
4. Bang ci bangin Pa Pasion in a tapa sep nasepte semsak hiam? Amah in nate a uk aih leh bang hang hihte kisam hiam?
5. Sianglamteh pen leitung tangthu ah a thupipen ahi hiam?
6. Banghang in sianglamteh tung leh singlamteh kim a Zeisu nasepte in Satan vangliatna zo a, khang tawntung a mite ading in hih in bang deihna nei hiam?
7. Laisiangtho Thuciamthak sunga i sim singlamteh thute in Thuciamlui sunga kigente a tangtungsak hiam? Gentehna in Isa. 52:13-53:12 sim in.
8. Zeisu in ama singlamteh koici bangin pua takpi cih i phawk theih teh ama hong gen bangin koici bang in i singlamteh ciat pua in ama nung bang ci zuih ding i hiam? (Luk. 9:23)

**h) Tomlakna leh zatpahna**

1. Christian nungzui hihna laizangah Khazih singlamteh om hi.
2. Eite gupkhatna in Zeisu ading man khempeuh piasak hi.
3. Calvary singlamteh in man a neih theih nading in eite nuntakna ah singlamteh vangliatna i san ding kisam hi.
4. Zeisu nungzuite taktak i hih theih nading in i singlamteh ciat pua in ama nung i zuih ding kisam hi.
5. Mihing in ama puk nading sem a, ahizong in Pasion in ama Tapa Zeisu hong sawl in eite ading hunhoih/hun limci (chance). dang hong piak theih nading in a thuak ding leh a si ding in utna nei lai veve hi.